



**MITROVICË**

**RAPORT MONITORIMI I SEKTORIT  
TË MJEDISIT NË KOMUNËN E  
MITROVICËS - 2021**

Botues: EC Ma Ndryshe  
Rr: Fehmi Lladrovci 94, Prizren  
Bulevardi Nënë Tereza 30B H1 Nr. 5, Prishtinë  
[www.ecmandryshe.org](http://www.ecmandryshe.org)  
[info@ecmandryshe.org](mailto:info@ecmandryshe.org)  
029 222 771 & 03 224 967

Ky dokument është realizuar nga EC Ma Ndryshe; i mbështetur nga Agjencia Suedeze për Zhvillim dhe Bashkëpunim Ndërkombëtar (Sida) përmes Programit të saj "Human Rightivism" zbatuar nga Fondi për Zhvillimin e Komunitetit - CDF. Përmbajtja dhe pikëpamjet e paraqitura këtu nuk përfaqësojnë qëndrimin zyrtar të donatorëve.



Sweden  
Sverige



Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit.

Organet përgjegjëse për mbrojtjen e mjedisit janë të rregulluara në forma të ndryshme në Komunitatet e Kosovës. Disa nga komunitetet kanë drejtoritë të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore. Në Komunën Mitrovicë, Sektori për Mjedis funksionon në kuadër të Drejtorisë së Mjedisit dhe Pyjeve.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

- Ligji nr.03/L-025 për Mbrojtjen e Mjedisit
- Ligji nr.03/L-233 për Mbrojtjen e Natyrës
- Ligji nr.03/L-160 për Mbrojtjen e Ajrit nga Ndotja
- Ligji nr.2003\_3 për Pyjet e Kosovës
- Ligji nr.04/L-147 për Ujërat e Kosovës
- Ligji nr.04/L-060 për Mbeturina
- Ligji nr.06/L-035 për Veprimtaritë Hidrometeorologjike
- Ligji nr.03/L-119 për Produktet Biocide dhe Shtojcat
- Ligji nr.02/L-53 për Gjuetinë
- Ligji nr.04/L-197 për Kimikate
- Ligji nr.04/L-174 për Planifikimin Hapësinor
- Ligji nr.04/L-175 për Inspektoratin e Mjedisit, Ujërave, Natyrës, Planifikimit Hapësinor dhe Ndërtimit

Ndërsa aspektet kryesore që ligjet e lartshënuara rregullojnë janë:

- Organet institucionale
- Kapacitetet njerëzore
- Dokumentet e Planifikimit dhe Menaxhimit Mjedisor
- Pjesëmarrja publike
- Të dhënat Mjedisore
- Mbikëqyrja dhe raportimi
- Licencimi, lejet dhe pëlqimet mjedisore

Mbi këtë bazë përmbajtja e këtij raporti tenton që të mbulojë aspektet kryesore që legjislativi në fuqi adreson, si:

- Skema institucionale për planifikimin dhe menaxhimin mjedisor*
- Korniza ligjore*
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit*

Mbikëqyrja inspektive dhe raportimi mjedisor  
Krijimi, grumbullimi, menaxhimi i të dhënave dhe sistemit të menaxhimit të dhënave  
Bashkëpunimi, koordinimi dhe pjesëmarrja publike  
Licencimi dhe lejet mjedisore

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunal, si pasqyrim i gjendjes reale në sektorin e mjedisit. Njëherësh kanë theksuar se burimet njerëzore dhe financiare nuk janë në nivel të mjaftueshëm, gjë që mbase reflektohet edhe në gjendjen aktuale mjedisore.

Në fund janë adresuar edhe disa rekomandime me qëllim të përmirësimeve dhe plotësimeve në proceset e Planifikimit dhe Menaxhimit Mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

## GJETJET E RAPORTIT

### 1. Skema institucionale për planifikimin dhe menaxhimin mjedisor

Në Komunën e Mitrovicës, organi përgjegjës për Planifikim dhe Menaxhim Mjedisor është Sektori i Mjedisit (SM) që funksionon në kuadër të Drejtorisë së Mjedisit dhe Pyjeve. Stafi i DMP-së, përbëhet prej gjithsej 13 punonjësve, prej të cilëve 3 janë të angazhuar në Sektorin e Mjedisit. Ky sektor përbëhet prej udhëheqësit të sektorit, zyrtarit ligjor dhe zyrtarit për Leje Mjedisore Komunale (LMK).

Organi komunal	A është themeluar?	Emri zyrtar	Fuqia aktuale punëtore
Drejtoria	Po	Drejtoria e Mjedisit dhe Pyjeve	13
Sektori	Po	Sektori i Mjedisit	3
Zyrtarët	Po	Shefi i Sektorit Zyrtar Ligjor Zyrtar për Leje Mjedisore Komunale	/

Numri i angazhuar i shërbyesve civil sipas deklaratave të zyrtarëve të SM nuk është i mjaftueshëm për kryerjen e detyrave të përcaktuara me kornizën ligjore dhe se kanë nevojë edhe për 5 pozita. Sipas tyre shërbyesit civil në SM kanë profilet e nevojshme profesionale për kryerjen e detyrave të përcaktuara me kornizën ligjore, ku nga shkalla 1 (aspak) deri në 5 (shkëlqyeshëm), kanë dhënë vlerësimin 4.

SM ka bërë të ditur se gjatë vitit 2021 për punonjësit e këtij sektori nuk janë organizuar trajnime rreth kornizës ligjore, as nga niveli qendror, e as nga komuna apo ndonjë organizatë tjetër si arsye për mungesën e të cilave është dhënë situata me pandeminë.

Stafi i SM gjatë vitit 2021 nuk ka shfrytëzuar ndonjë udhëzues profesional për planifikimin dhe menaxhimin e çështjeve mjedisore, por gjatë kryerjes së detyrave kryesisht është fokusuar në legjislacionin në fuqi dhe dokumentet strategjike.

Statistikat Kryesore - 2021:

1. Numri i zyrtarëve të angazhuar në SM – 3
2. Numri i trajnimeve rreth kornizës ligjore – 0
3. Numri i trajnimeve sipas fushës mjedisore – 0
4. Numri i Udhëzuesve Profesional për Planifikimin dhe Menaxhimin Mjedisor – 0

## **KORNIZA LIGJORE**

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

Komuna e Mitrovicës, përkatësisht SM ka raportuar se mbështetet në këto dokumente ligjore:

1. Plani Lokal i Veprimit Mjedisor (që është hartuar gjatë vitit 2021)
2. Rregullorja Komunale për Menaxhimin e Mbeturinave (që është hartuar gjatë vitit 2021 dhe është në proces të miratimit)
3. Ligji për Mbrojtjen e Mjedisit Nr. 03/L-025
4. Ligji për Vlerësimin e Ndikimit në Mjedis Nr. 03/L-214
5. Ligji për Mbrojtjen e Ujërave Nr. 2004/24
6. Ligji për Mbrojtjen e Ajrit nga Ndotja Nr. 03/L-106
7. Ligji për Mbrojtjen e Natyrës Nr. 03/L-233

Zyrtarët e SM të Komunës së Mitrovicës kanë shprehur bindjen se korniza ligjore mjedisore është mirë e konsoliduar. Por gjithashtu si mangësi kanë listuar centralizmin e kompetencave në nivel qendror.

Ndërsa njohuritë e stafit të këtij sektori rreth kornizës respektive ligjore i kanë notuar me 3, nga 1/aspak deri 5/shkëlqyeshëm.



## HARTIMI, HARMONIZIMI DHE ZBATIMI I DOKUMENTEVE TË PLANIFIKIMIT DHE MENAXHIMIT TË MJEDISIT, PROJEKTEVE DHE MASAVE PËR MBROJTJEN E MJEDISIT

Rrjedha e ciklit të planifikimit dhe menaxhimit mjedisor nuk shquhet për qasje të strukturuar dhe të organizuar. Hartimi i politikave mjedisore kërkon dinamizim me qëllim që ato ti përgjigjen nevojave të kohës. Kjo ndodh pasiçë Plani Lokal i Veprimit në Mjedis dhe Plani Komunal për Menaxhimin e Mbeturinave kanë skaduar, gjatë vitit 2021 janë rihartuar dhe të dyja këto plane janë në proces të miratimit. Sipas zyrtarëve strategjitë mjedisore lokale me strategjitë qendore janë mirë të harmonizuara pasiçë pas aprovimit në Kuvendin e Komunës shkojnë për miratim në Ministrinë e Mjedisit, Planifikimit Hapësinor dhe Infrastrukturës.

SM nuk ka raportuar për projekte të cilat janë kontraktuar apo janë realizuar gjatë vitit 2021, por vetëm ka treguar mbi disa të cilat janë realizuar përgjatë viteve 2011-2015, ku mund të përmendim: rregullimin e parkut "Solana", rregullimin e sistemit të ujitjes dhe pastrimit të rrugëve dhe rregullimin e oborreve të shkollave të qyteteve.

Ndërsa sa i përket masave të ndërmarra për mbrojtjen e mjedisit, zyrtarët raportojnë rregullimin e pellgjeve lumore në zonat urbane (masë kjo e cila ka përfunduar, 2011-2015), mbrojtjen dhe zhvillimin e pyjeve, masë kjo që ka filluar që nga viti 2010 dhe vazhdon akoma dhe masa për mbrojtjen e vlerave të natyrës që shpallë komuna e cila është aktive që nga viti 2019.

Planet e nivelit lokal për menaxhimin mjedisor

Lloji i planit	Emri i dokumentit	Statusi	Koha e hartimit	Kohëzgjatja e mandatit	Hartuesi	Disponueshmëria e raporteve të zbatimit
Planet Lokal i Veprimit në Mjedis	Plani Lokal i Veprimit në Mjedis (PLVM)	Në proces për Miratim	2021	5 vite	Komuna	Jo, ka skaduar i kaluari
Programet Mjedisore	Plani Vjetor i Punes (PVP)	Në zbatim	2021	01.01.2022 -31.12.2022	Komuna	Në fund të vitit
Vlerësimi Strategjik Mjedisor	Vlerësimi Strategjik Mjedisor (VSM) për PZHK	Në zbatim	2020	8 vite	Drejtoria e Urbanizmit dhe Kompania Private	/
Vlerësimi i Ndikimit në Mjedis	/	/	/	/	/	/

Plani Komunal për Menaxhimin e Mbeturisë	PKMM	Ne proces per Miratim	2021	5 vite	Komuna	JO ka skaduar I kaluari
Plani Zhvillimor Komunal	Plani Zhvillimor Komunal (PZHK)	Në zbatim	2020	8 vite	Drejtoria e Urbanizmit dhe kompania Private	/
Harta Zonale e Komunës	Harta Zonale e Komunës	Në proces	2021	8 vite	Drejtoria e Urbanizmit dhe kompania Private	/
Plani i rregullimit të tokës	/	/	/	/	/	/
Programi për mbrojtjen nga veprimet e dëmshme të ujërave	/	/	/	/	/	/

### Projektet kapitale të nivelit lokal për rregullimin, promovimin dhe mbrojtjen e mjedisit

Emri i projektit	Statusi	Periudha e realizimit	Vlera e kontratës	Autoriteti kontraktues	Lokacioni	Fusha tematike	Partneri zbatues	Plani
Rregullimi i Parkut "Solana"	I përfunduar	2011-2013	/	Komuna	Afër stacionit të autobusve	Ngritja e sipërfaqeve të gjelbëruara	Operatori i kontraktuar	/
Rregullimi i Sistemit të ujitjes dhe pastrimit të rrugëve	I përfunduar	2013	120.000.00	Komuna	Shipol-Tek Komuna (rruga kryesore)	Ngritja e sipërfaqeve të gjelbëruara	USAID dhe REC Kosova	/
Rregullimi oborreve të shkollave të qytetit	I përfunduar	2011-2015	/	Komuna	Shkollat fillore dhe të mesme	Ngritja e sipërfaqeve të gjelbëruara	/	/

### Masat e nivelit lokal për mbrojtjen e mjedisit

Masat	Masat konkrete	Statusi	Periudha e realizimit	Entiteti përgjegjës	Lokacioni	Fusha tematike	Plani/Vendimi
Masat për rregullimin e pellgjeve lumore në zonat urbane;	Pastrimi i shtratit të lumit Trepça	I përfunduar	2011-2015	Komuna	Tunel i parë - Mitrovicë	Pastrimi nga mbeturinat	/
Masat për mbrojtjen dhe zhvillimin e pyjeve	Kontrolle të rregullta të terreneve pyjore	Në vazhdimsi	2010 - vazhdon	Komuna AKP	Rajoni i Mitrovicës	Mbrojtja e pyjeve	/
Masat për mbrojtjen e vlerave të natyrës që shpall Komuna;	Shpallja e monumetneve të mbrojtura në natyrë	I përfunduar	2019 - vazhdon	Komuna AKP	Rajoni i Mitrovicës	Mbrojtja e pyjeve	/
Masat emergjente për të normalizuar gjendjen e cilësisë së ajrit	/	/	/	/	/	/	/
Masa të tjera për mbrojtjen e mjedisit	/	/	/	/	/	/	/

## MBIKËQYRJA INSPEKTIVE DHE RAPORTIMI MJEDISOR

Komuna e Mitrovicës ka raportuar se nuk kanë informata se a bëhet inspektimi i zbatimit të kornizës ligjore të mbrojtjes së mjedisit, kurse hartimi i raporteve përkatëse realizohet. Edhe gjendja e deponive të mbeturinave sipas zyrtarëve nuk monitorohet në tërësi, por herë pas here kanë realizuar pastrime të deponive ilegale. Sa i përket gjendjes së zonave të mbrojtura dhe gjendjes së pyjeve, është thënë se bëhet monitorimi. Ndërsa identifikimi i çrregullimeve mjedisore, përgjegjësia i është adresuar Drejtorisë së Inspektorateve, e cila nuk ka ofruar informata për këtë çështje. Ngjashëm kemi të bëjmë edhe me rastet e tejkalimit të eksploatimit të resurseve natyrore mbi kushtet e lejuara për të cilat nuk kemi marrë ndonjë përgjigje. Më tutje, zyrtarët janë përgjigjur se Sektori i Pyjeve në baza ditore dërgon lëndë në Gjykatën kompetente mbi shkeljet në menaxhimin e burimeve drusore dhe jo drusore. Ndërkaq theksohet se sa i përket kushteve të vendgjuetive nuk janë identifikuar tejkalime.

Lloji i raportit	Emri i dokumentit	Statusi	Koha e hartimit	Periudha e raportimit	Komente
Raporti zbatimit të Planit të Veprimit në Mjedis	Raporti i punes per vitin vijues	I kryer per vitin 2021	1 muaj, dhjetor	1 vjeqare	/
Raporti i zbatimit të Programeve Mjedisore	Raporti i punes per vitin vijues	I kryer per vitin 2021	1 muaj, dhjetor	1 vjeqare	/
Raporti i zbatimit të Planit të Menaxhimit të Mbeturinave	Raporti I punes per vitin vijues për menaxhimin e mbeturinave	I kryer per vitin 2021	1 muaj, dhjetor	1 vjeqare	/
Raporti i zbatimit të Planit Zhvillimor Komunal	/	/	/	/	/
Raporti i zbatimit të Hartës Zonale të Komunës	/	/	/	/	/
Raporte të zbatimit të Programit për mbrojtjen nga veprimet e dëmshme të ujërave	/	/	/	/	/



## **KRIJIMI, GRUMBULLIMI, MENAXHIMI I TË DHËNAVE DHE SISTEMIT TË MENAXHIMIT TË DHËNAVE**

Komuna e Mitrovicës në vitin 2021 nuk ka pasur sistem të monitorimit të cilësisë ajrit, por mikëqyrja sistematike e cilësisë së ajrit realizohet nga niveli qendror. Kjo komunë po ashtu nuk ka sistem të monitorimit të dheut, e as sistem të monitorimit të cilësisë së ujërave sipërfaqësore dhe nëntokësore, këtu realizohet vetëm mikëqyrja sistematike e cilësisë së ujërave nga ujësjellësi

Ndërsa sa i përket parashikimit dhe paralajmërimit të hershëm të vërshimeve dhe thatësirave zyrtarët komunal nuk kanë dhënë përgjigje. Zyrtarët nuk kanë raportuar se a kanë të ndërtuar sistem të menaxhimit të të dhënave mjedisore, por vetëm kanë treguar se kanë raporte të rregullta vjetore të cilat përditësohen në mënyrë periodike. Gjithashtu është theksuar se nuk ka kapacitete të mjaftueshme teknike e as njerëzore për krijimin, grumbullimin dhe menaxhimin e të dhënave mjedisore, pasi që në SM siç është cekur më lartë janë të angazhuar vetëm 3 punonjës.

## **BASHKËPUNIMI, KOORDINIMI DHE PJESËMARRJA PUBLIKE**

Zyrtarët përgjegjës të Komunës së Mitrovicës, bashkëpunimin dhe koordinimin me nivelin qendror në hartimin e akteve ligjore dhe nënligjore e kanë vlerësuar si shumë të mirë. Ndërsa bashkëpunimi dhe koordinimi me nivelin qendror sa i përket hartimit të strategjive mjedisore është vlerësuar si i mangët, pasiçë nuk ftohen në takime. Sipas tyre niveli i bashkëpunimit me organizatat joqeveritare sa i përket zhvillimit të aktiviteteve të ndryshme, është në nivel të kënaqshëm pasiçë ju ofrohet vazhdimisht mbështetje dhe bashkëpunim. Ndërsa zhvillimin e proceseve me pjesëmarrje publike gjatë hartimit të dokumenteve të planifikimit dhe menaxhimit mjedisor kanë treguar se e zbatojnë në përputhje me ligjet në fuqi.

## **LICENCIMI DHE LEJET MJEDISORE**

Sipas të dhënave të paraqitura nga Komuna në vitin 2021 janë lëshuar gjithsejtë 10 leje mjedisore komunale të cilat janë pa afat skadimi. Ndërsa sa i përket licencave në raport thuhet se nuk është lëshuar asnjë licencë për çështje mjedisore.

## **PËRFUNDIME**

Gjetjet e këtij raporti janë validuar nga zyrtarët përkatës komunal, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë. Burimet njerëzore dhe financiare sipas tyre nuk janë të nivel të mjaftueshëm, gjë që mbase reflektohet edhe në gjendjen aktuale mjedisore.

Bazuar në këtë monitorim, dalin konkluzionet se:

Komuna e Mitrovicës ka krijuar organ përgjegjës për mbrojtjen e mjedisit, por kapacitetet njerëzore brenda këtij organi janë të pamjaftueshme si në aspektin kuantitativ ashtu edhe në atë profesional, ndërkohë që nuk ka pasur as aktivitete për fuqizimin e tyre në raport me kornizën aktuale ligjore dhe në periudhën raportuese nuk është organizuar asnjë trajnim rreth çështjeve mjedisore për stafin e SM

Njohuritë e stafit komunal rreth kornizës mjedisore nuk janë të nivelit më të lartë, derisa përcaktimi i sfidave me të cilat ata ballafaqohen si rrjedhojë e mangësive ligjore në fushën e mjedisit ka qenë i pamundur për shkak të mos listimit të tyre nga punonjësit e SM.

Shkalla e hartimit dhe zbatimit të politikave lokale për planifikimin dhe menaxhimin mjedisor mbetet problematik, për faktin se nuk ka organizim të mirëfilltë në këtë aspekt dhe se akoma nuk janë miratuar PLVM dhe PKMM; përkatësisht, rrjedha aktuale e hartimit dhe zbatimit të dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit aktualisht e bën të vështirë matjen e efikasitetit të këtyre veprimeve në përmirësimin e gjendjes mjedisore.

Niveli i inspektimit si dhe hartimi i raporteve përkatëse lidhur me zbatimin e kornizës ligjore të mbrojtjes së mjedisit dhe të zbatimit të strategjive mjedisore mbetet i paqartë për shkak të mos shpalosjes së të dhënave në këtë drejtim, derisa është pranuar se në tregues të caktuar nuk ka monitorim.

SM në Komunën e Mitorvicës ende nuk ka ndërtuar sistem të menaxhimit të të dhënave mjedisore, për shkak të mungesës së resurseve teknike dhe njerëzore për krijimin, grumbullimin dhe menaxhimin e të dhënave mjedisore. Por vlen të theksohet se kanë raporte të rregullta vjetore të cilat përditësohen në mënyrë periodike.

Bashkëpunimi ndërinstytucional në hartimin e politikave publike vlerësohet të jetë i pamjaftueshëm. Niveli i bashkëpunimit me organizatat joqeveritare sa i përket zhvillimit të aktiviteteve të ndryshme është në nivel të kënaqshëm, ndërsa zhvillimin e proceseve me pjesëmarrje publike gjatë hartimit të dokumenteve të planifikimit dhe menaxhimit mjedisor kanë treguar se e zbatojnë në përputhje me ligjet në fuqi.

Lejet mjedisore komunale të lëshuara në kuadër të SM janë gjithsej 10 pa afat skadimi, ndërsa nuk është lëshuar asnjë licencë për çështje mjedisore nga niveli lokal.

## REKOMANDIMET

- Të shqyrtohen mundësitë për shtimin e punonjësve profesionistë në SM.
- Të organizohen trajnime për punonjësit e SM rreth kornizës ligjore dhe rreth çështjeve mjedisore.
- Të përmirësohet dhe dinamizohet hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit.
- Planet e nivelit lokal për menaxhimin mjedisor të përditësohen, bashkë me fuqizimin e raportimit të zbatimit të tyre.
- Të rriten kapacitetet si dhe të shtohet mbikëqyrja inspektive dhe raportimi mjedisor.
- Të fillojë sa më shpejtë procesi i krijimit, grumbullimit, menaxhimit të të dhënave dhe sistemit të menaxhimit të dhënave mjedisore.
- Të avancohet bashkëpunimi nivel qendror - lokal në hartimin e akteve ligjore dhe strategjive mjedisore.
- Të kultivohet bashkëpunimi më i afërt me OJQ-të për të nxitur rritjen e pjesëmarrjes së publikut në çështjet mjedisore.

## PËR EC:

EC angazhohet për qëndrueshmëri ekonomike dhe qeverisje demokratike në nivel lokal (dhe rajonal) përmes mobilizimit të komunitetit, mbikëqyrjes së vendimmarrjes publike dhe partneritetit në zbatim të programeve dhe politikave zhvillimore.

Për përmbushjen e këtij misioni organizata zbaton projekte dhe nisma në kuadër të dy programeve kryesore: Qytete/Komuna Gjithëpërfshirëse dhe Zhvillim i Qëndrueshëm. Ndërsa programi i tretë është ideuar si njësi mbështetëse për veprimin e organizatës dhe synon adresimin e tri sfidave të jashtme dhe të brendshme:

1. Vëllimin e pamjaftueshëm të dijes empirike në vend, përfshi të dhënat e besueshme statistikore, analizat e specializuara dhe mendimet profesionale,
2. Nevojën për konsolidimin e kapaciteteve të brendshme, veçanërisht në hulumtime, baza të të dhënave, analizë, menaxhim, zhvillim komunitar dhe ekspertizë sektoriale, dhe
3. Mungesën e qëndrueshmërisë financiare afatgjatë duke i diversifikuar burimet e të hyrave, me theks në ofrimin e shërbimeve për palët e treta.

Trekëndëshi konceptual që do të orientojë punën e organizatës në pesë vitet e ardhshme (2020 - 2024) ka këto elemente:

1. Gjithëpërfshirjen,
2. Qëndrueshmërinë, dhe
3. Dijen.

EC beson se demokratizimi dhe zhvillimi i gjithëmbarshtëm shtetëror është proces që duhet planifikuar dhe ndërtuar nga poshtë lart.

Në thelb të qeverisjes demokratike qëndron hapja dhe përfshirja e të gjithëve në marrjen e vendimeve që kanë për synim të mirën e përbashkët, ndërsa planifikimi zhvillimor kërkon shfrytëzim racional të burimeve territoriale, pa e kompromituar përdorshmërinë e tyre nga gjeneratat e ardhshme.

Si demokracia ashtu edhe zhvillimi duhen ndërtuar mbi bazën e dijes së shëndoshë që garanton vendime dhe veprime të mençura dhe vizionare.

Vlerat kryesore të organizatës janë:

1. Paanshmëria - EC vepron në bazë të analizave të thukta dhe gjithëpërfshirëse dhe mënjanon veprimet e ngutshme dhe impulsive. EC synon të përkrahë dhe të shtyjë përpara alternativat të cilat në bazë të hulumtimit dalin të jenë më të përshtatshmet, pavarësisht nëse masa e shoqërisë nuk e përkrahin këtë opsion;

2. Aktivizmi - Anëtarët e EC do të jenë aktivistë të cilët angazhohen në baza të rregullta për të shtyrë përpara bashkëveprimin qytetar për të përmbushur misionin e organizatës;
3. Orientimi drejt rezultateve - Anëtarët e EC janë të orientuar për të arritur rezultate, ku përpjekja nuk i kënaq pritjet e organizatës në qoftë se nuk përfundon me rezultatet e pritura;
4. Komuniteti bazë e veprimit - EC do të jetë gjithnjë pranë komunitetit, duke mësuar nga qytetarët dhe duke ndërtuar konsensus për bashkëveprimin dhe formësimin e shoqërisë.